

স্কুলের পাঠ্যবইয়ে মুক্তিযুদ্ধের চেতনা ফিরিয়ে আনা হচ্ছে ॥ ইনু

স্টাফ রিপোর্টার ॥ জাতীয় সমাজতান্ত্রিক দল-জাসদ সভাপতি ও তথ্যমন্ত্রী হাসানুল হক ইনু বলেছেন, স্কুলের পাঠ্যপুস্তকে অন্তর্ঘাতের ঘটনা সরকার তদন্ত করে দেখছে। পাঠ্যপুস্তকে মুক্তিযুদ্ধের চেতনা পুনরায় ফিরিয়ে আনা হচ্ছে। তিনি বলেন, রাষ্ট্র-প্রশাসনের বিভিন্ন স্তরে লুকিয়ে থাকা রাজাকাররা যড়যন্ত্র-চক্রান্ত অব্যাহত রেখেছে। রাজাকার, সাম্প্রদায়িক জঙ্গী চক্র ও তাদের সঙ্গীদের সম্মুখে উদ্বেদ করে বাংলাদেশকে নিরাপদ করতে হবে। শনিবার নগরীর শহীদ ক্যাপ্টেন তাহের মিলনায়তনে পাঠ্যপুস্তকে অন্তর্ঘাতের প্রতিবাদ ও মুক্তিযুদ্ধের চেতনা ফিরিয়ে আনার দাবিতে ঢাকা মহানগর জাসদ আয়োজিত সভায় প্রধান অতিথির বক্তব্যে তিনি এ কথা বলেন।

ইনু বলেন, পরিকল্পিতভাবে বর্তমান সরকারের বিরুদ্ধে বিভিন্ন মহল অপপ্রচার চালিয়ে যাচ্ছে। দেশে অপপ্রচার চালানোর মূল উদ্দেশ্য হলো ক্ষমতা দখল। কিন্তু মনে রাখতে হবে দখলের রাজনীতি শেষ হয়ে গেছে। এখন মানুষের সমর্থন ও ভোট ছাড়া ক্ষমতায় যাওয়া যাবে না। বাস্তবতা হলো ভোটের রা কি বিএনপি-জামায়াতিসহ আগুণ সন্ত্রাসীদের ভোট দেবে। দেবে না। কারণ সবাই তাদের অপকর্মের কথা মনে রেখেছে।